

# E schwierich Ecksembel

Nach einer wahren Begebenheit aus Alt-Ottweiler (Saar)

Bunn alle Buwe in dr Klafß  
Mei Karel war dr Beschd —  
In anem nor, do war'r laß;  
Im Rechne war'r schlechd.

Do kummt dr Lehre, wie'r wulld  
Schwadubbele unn schmaruße —  
Unn lehd'r ne a'ch iwwers Puld,  
's kummt'm gornix nuße!

Das Ding war gud. Dr Lehre denkt:  
Dr Schulrad kummt jo ball.  
Där hadd schunn manches ingerentt  
Unn is net uff d'r Kobb gefall.

Und wie's so gehd — amme schene Da'ch —  
Die Sunn hadd drauß geschien —  
Do kummt mei Schulrad werkllich a'ch  
Em Karel sei Klafß eninn.

No, forz unn gud — s'hadd alles geklabbd,  
Was do so kummt uff's Dabed —  
Uff amol hadd'r de Karel geschnabbd  
Unn hohld dene do ins Gebäd.

„Nun sag mir mal, mein lieber Sohn,  
Wieviel bleibt drei von sechs?  
Nanu! Das mußt Du wissen schon! —  
Ich bin ja ganz perplex!“

Dem Lehre werd's do kald unn ha'ß,  
'r siehd schunn die Blamasch —  
Unn wie dr Karel gornix wa'ß,  
Do kriehd'r dann Kurasch:

„In solchen Fällen nützte mir  
Bei diesem Schlag von Kindern  
Ein Beispiel von dem Lande hier —  
Von Ziegen oder Kindern!“

Vielleicht — daß nun Herr Schulrat — auch —“  
Där schnabbd mim Kobb „meintweje“,  
Unn drähd die Daume iwverm Bauch  
Unn duhd dann iwverleje.

Mei Karel war schunn halwer dot  
Hadd schwer die Gasegischdre —  
Erschd wie där do noh Gase frohd,  
Do werd'r wedder nischdre.

Do fahrd'r uff wie aus'm Dram  
Unn schreckd sich mi'me Ruck:  
„Ei allemol — mir hann sechs dehaam —  
Zinf Gase unn e Buck!“

„Und diese sechs, mein lieber Sohn,  
Führst Du auf Eure Weide —  
Dort ist ein Bach — und drei davon  
Spring'n auf die andre Seite!“

Wieviele Ziegen sind zurück?“  
„Ei zwa!“ kreischd do mei Klaner.  
„Na, denk doch nach — 'n Augenblick!“  
„Nor zwa! Unn meh ka aner!“

„Nein drei!“ gehd do mei Schulrad hoch.  
Unn fladsch — gabs ruck-zuck-zuck —  
„Na' zwa!“ heild do mei Karel noch —  
„Das an is jo — e Buck!“

Karl Ludwig Schaffner.